

Bosna i Hercegovina  
Federacija Bosne i Hercegovine  
**Hercegovačko-neretvanski kanton**  
**SKUPŠTINA**  
Broj: 02-02-009/23  
Mostar, 22.12.2022. godine

**IZVOD IZ ZAPISNIKA**  
**sa druge (II) redovne sjednice Skupštine**  
**Hercegovačko-neretvanskog kantona**

Sjednica je održana dana 22.12.2022. u sali Skupštine Hercegovačko-neretvanskog kantona u Mostaru sa početkom rada u 11:00 sati.

Sjednicu je otvorio Tomislav Martinović zamjenik predsjedavajućeg Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

**Prisutni:** Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Ismet Lulić, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Iva Raguž, Vesna Saradžić, Oliver Soldo, Dragica Suša, Vesna Šunjić, Mirko Vasilj, Nermin Vrtić i Arman Zalihić.

**Odsutni:** Zora Dujmović i Irma Memidžan.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

**Prisutni po pozivu:** predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Zamjenik predsjedavajućeg Skupštine HNK Tomislav Martinović obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Obavljeno je glasanje o zapisniku sa konstituirajuće sjednice Skupštine HNK.

Nakon glasanja konstatovano je da je zapisnik sa konstituirajuće sjednice Skupštine HNK jednoglasno usvojen.

Otvorena je rasprava po prijedlogu dnevnog reda.

Zamjenik predsjedavajućeg Skupštine HNK Tomislav Martinović predložio je dopunu dnevnog reda slijedećim Zaključkom:

**„Daje se ovlaštenje zamjenicima predsjedavajućeg Skupštine Hercegovačko-neretvanskog kantona da obavljaju poslove predsjedavajućeg Skupštine Hercegovačko-neretvanskog kantona.**

**Zaključak stupa na snagu danom donošenja, primjenivati će se do 01.02.2023. godine a objavit će se u „Službenim novinama Hercegovačko – neretvanskog kantona“.**

Obavljeno je glasanje o dopuni dnevnog reda navedenim Zaključkom.

Nakon glasanja konstatovano je da je dnevni red dopunjen navedenim Zaključkom.

Obavljeno je glasanje da se o Prijedlogu Izmjena i dopuna Budžeta HNK za 2022. godinu ( Rebalans II) raspravlja po skraćenom postupku.

Većinom glasova „Za“, uz 5 „Suzdržanih“ glasova prihvaćen je prijedlog da se o Prijedlogu Izmjena i dopuna Budžeta HNK za 2022. godinu ( Rebalans II) raspravlja po skraćenom postupku.

Obavljeno je glasanje da se o Prijedlogu Zakona o Izmjenama i dopunama Zakona o policijskim službenicima HNK, raspravlja po skraćenom postupku.

Većinom glasova „Za“, uz 5 glasova „Protiv“ prihvaćen je prijedlog da se o Prijedlogu Zakona o Izmjenama i dopunama Zakona o policijskim službenicima HNK, raspravlja po skraćenom postupku.

Obavljeno je glasanje o prijedlogu dnevnog reda druge (II) redovne sjednice Skupštine HNK.

Nakon glasanja konstatovano je da je dnevni red druge (II) redovne sjednice Skupštine HNK jednoglasno usvojen.

Usvojeni Dnevni red:

1. **Poslanička pitanja;**
2. **Prijedlog Izmjena i dopuna Budžeta HNK za 2022. godinu ( Rebalans II) – utvrđen po skraćenom postupku;**
3. **Prijedlog Zakona o Izmjenama i dopunama Zakona o policijskim službenicima HNK (skraćeni postupak);**
4. **Prijedlog Odluke o davanju suglasnosti na Izmjene i dopune finansijskog plana Zavoda zdravstvenog osiguranja HNK za 2022. godinu ( Rebalans II );**
5. **Nacrt Budžeta HNK za 2023. godinu;**
6. **Nacrt Zakona o Izvršenju Budžeta HNK za 2023. godinu;**
7. **Prijedlog Odluke o kreditnom zaduženju HNK u 2022. godini za realizaciju projekata izgradnje, obnove i opremanja bolnica u HNK;**
8. **Izmjena Zaključka Skupštine broj 02-01-195/22 od 17.11.2022. godine.**

## 1. Poslanička pitanja

### **MIRKO VASILJ:**

**Poslaničko pitanje** gospodinu Suadu Hasandediću, ministru graditeljstva i prostornog uređenja HNK-a.

Gdje se na službenim stranicama ministarstva, odnosno gdje se uopće može naći kartografski dio Prostornog plana naše županije, te jeli isti bilo gdje javno objavljen? Također tražim da mi se isti dostavi u elektronskoj formi, kao i da se javno objavi na službenoj stranici vašeg ministarstva. Odgovor dostaviti u pisanoj formi.

**Poslanička inicijativa** je za javni prijenos uživo sjednica Skupštine HNK-a.

U hitnom postupku realizirati javni prijenos uživo sjednica Skupštine HNK-a.

Ako je potrebno usvojiti bilo kakve dodatne akte po ovom pitanju, tražim da idu u hitnu proceduru u Skupštini HNŽ-a.

### **TOMISLAV MARTINOVIĆ:**

#### **Odgovor na poslaničku inicijativu:**

Ja vam mogu odmah odgovoriti na ovaj drugi dio vašeg pitanja, odnosno na zastupnički inicijativu. Znači vama svima kolegama zastupnicima informacija, proveden je javni tender za nabavku audio-video opreme, mi smo očekivali da će taj cijeli postupak ići malo brže, no međutim zakon je zakon i moramo poštovati njegove odredbe. Znači dana 27.12. ove godine mi ćemo zaključiti ugovor sa dobavljačem koji se javio na ovaj tender, rok za ispostavu, ustvari isporuku opreme koja se odnosi između ostalog i na audio-video snimanje je nekih 70 dana. Mi

smo razgovarali sa dobavljačem i očekujemo da će oni ovaj dio opreme znači koji se odnosi na kamere i na LCD ekrane vrlo brzo isporučiti, tako da ćemo po mojoj nekakvoj procjeni i procjeni kolege Alića mi bi već negdje u 2. mjesecu imali stvorene uvjete da otvorimo svoj youtube kanal, koji se nalazi na našoj internetskoj stranici, to ste valjda vidjeli i primijetili, i da onda naravno sve sjednice koje se budu održavale i koje budu javne, znači kako ih je Poslovnik kao takve definirao, će biti otvorene za javnost.

Očekujemo da će cijela ova priča proteći onako kako je planirano i da ćemo to završiti negdje u 1. mjesecu možda, možda najkasnije do sredine 2. mjeseca, i da ćemo onda ovu priču imati privedenu kraju.

**VESNA ŠUNJIĆ:**

**Poslaničko pitanje 1:**

Prvo zastupničko pitanje za gospodina Bevandu, gospodina Opsenicu i gospodina Balića i molim za zajednički odgovor. Zbog čega HNŽ-e ima daleko najnižu stopu izricanja zaštitnih mjera u slučajevima obiteljskog nasilja, koje konkretne aktivnosti će se poduzeti kako bi broj izrečenih mjera bio povećan i u skladu sa drugim županijama?

**Poslaničko pitanje 2:**

Zastupničko pitanje za gospodina Hadžovića. Molim da mi dostavite posljednji izvještaj o provedenom nadzoru u svim ustanovama visokoškolskog obrazovanja u HNŽ-u.

**Poslanička inicijativa 1:**

Zastupnička inicijativa za gospođu Vidačak, v.d. ravnateljica ZZO-a. Molim da revidirate indikacije za upućivanje na banjsko liječenje i definirate primjerene kriterije u skladu sa stvarnim potrebama osiguranika. Financijskim planom Zavoda zdravstvenog osiguranja HNŽ-a za 2022. godinu planirano je i ostvareno 440.000,00 KM za liječenje i rehabilitaciju van županije, što je ukupno 0,27% proračuna. Obzirom da je veliki broj pacijenata koji su u stanju potrebe za rehabilitaciju i banjskim liječenjem smatram kako je nužno definirati primjerene kriterije i indikacije za banjsko liječenje, te značajno povećati financijska sredstva.

**Poslanička inicijativa 2:**

Sljedeća inicijativa je za gospodina Hasandedića. Inicijativa se odnosi na provođenje inspekcijskog nadzora obavljanja komunalnih djelatnosti u Gradu Mostaru, u skladu sa Zakonom o obavljanju komunalnih djelatnosti u HNŽ-u. Grad Mostar, naime nije uskladio Odluku o obavljanju komunalnih djelatnosti koja je usvojena 2010. godine sa Zakonom o komunalnim djelatnostima, zbog čega se obavljanje komunalnih djelatnosti u Gradu Mostaru odvija mimo zakonskih okvira.

**IVAN ODAK:**

**Poslaničko pitanje:**

Imam jedno zastupničko pitanje i jednu inicijativu. Zastupničko pitanje ponovo postavljam premijeru. Podsjećam vas da još nisam dobio odgovor na postavljeno pitanje još u rujnu, pa ga ponavljam. Koliko je do sada žitelje županije koštao administrativni centar Vlade HNŽ-a, odnosno Hotel „Ero“ i koliko novca će još trebati da bude u uporabi?

**Poslanička inicijativa:**

Predlažem da u Poslovniku o radu Skupštine, točku Poslanička pitanja, proširimo aktualnim satom, na kojem bi trebali da obavezno prisustvuju premijer i članovi Vlade, da dobijemo odgovore kada će biti realizirani zaključci doneseni na prethodnim sjednicama Skupštine HNŽ-a.

### **TOMISLAV MARTINOVIĆ:**

Budući postoji potreba da se i određene druge odredbe Poslovnika o radu ove Skupštine analiziraju jer smo prateći sve ono što se zbivalo u prošlom mandatu vidjeli da postoje stanovite potrebe za određenim dopunama, svakako uvažavamo ovu inicijativu da se ova točka koja se sad zove Zastupnička pitanja pretvori eventualno u taj aktualni sat, po nama to nije loše, ovaj vidjet ćemo evo na kolegiju pokrenuti postupak da se krene u izmjene i dopune ovog Poslovnika, a naravno ovaj Poslovnik će morat doživjet i određene izmjene i dopune koje se odnose na ono što će biti obveze HNK-a a vezane su za naš kandidacijski status koji smo dobili kao država.

Znači bit će tu potrebno osigurati jako puno mehanizama kako bi se u ovom parlamentu sve ono što cirkulira i što se donosi bilo naravno usklađeno sa agendom Europske Unije, odnosno propisima koji su tamo doneseni. Znači evo razmotrit ćemo sve ovo i vjerujem da ćemo i na vaše zadovoljstvo to i realizirati.

### **ISMET LULIĆ:**

#### **Poslaničko pitanje:**

Poslaničko pitanje stručnoj službi, da nam dostave sva zastupnička pitanja i sve inicijative za koje mi zastupnici u proteklom mandatu nismo dobili odgovore.

### **2. Prijedlog Izmjena i dopuna Budžeta HNK za 2022. godinu ( Rebalans II) – utvrđen po skraćenom postupku**

Obrazloženje je dao Adnan Faladžić, ministar finansija u Vladi HNK-a.

Otvorena je rasprava.

U raspravi su učestvovali: Zoran Krešić, Damir Džeba, Goran Opsenica ministar zdravlja, rada i socijalne skrbi u Vladi HNK, Mirko Vasilj, Nevenko Herceg predsjednik Vlade HNK i Vesna Šunjić.

Obavljeno je glasanje o Prijedlogu Izmjena i dopuna Budžeta HNK za 2022. godinu ( Rebalans II).

Većinom glasova „Za“, uz 9 „Suzdržanih“ glasova usvojen je Prijedlog Izmjena i dopuna Budžeta HNK za 2022. godinu ( Rebalans II).

### **3. Prijedlog Zakona o Izmjenama i dopunama Zakona o policijskim službenicima HNK (skraćeni postupak)**

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi su učestvovali: Arman Zalihić, Zoran Mikulić, Tomislav Martinović, Nevenko Herceg i Ismet Lulić.

Zastupnik Zoran Mikulić uložio je amandman na navedeni Zakon.

Zamjenik predsjedavajućeg Skupštine HNK Tomislav Martinović naveo je u obrazloženju da će se o uloženom amandmanu zastupnika Mikulića Vlada HNK očitovati u nastavku sjednice.

#### **4. Prijedlog Odluke o davanju suglasnosti na Izmjene i dopune finansijskog plana Zavoda zdravstvenog osiguranja HNK za 2022. godinu ( Rebalans II )**

Obrazloženje je dao Andrej Čović, rukovodilac Sektora za potporu poslovanju u Zavodu zdravstvenog osiguranja HNK.

Otvorena je rasprava.

U raspravi su učestvovali: Salmir Kaplan, premijer Nevenko Herceg, Vesna Saradžić, Vesna Šunjić i Iva Raguž.

Poslanica Vesna Saradžić predložila je slijedeći Zaključak:

1) Skupština zadužuje Zavod zdravstvenog osiguranja HNK-a da za sve osiguranike koji su u dijagnostičkoj potrebi za potvrđivanje sumnje na karcinom ili su ranije potvrđeni da boluju od malignih bolesti hitno osigura pristup dijagnostičkim pretragama u roku ne dužem od 30 dana kako bi se osiguralo kvalitetno i blagovremeno liječenje tih osiguranika.

2) Zbog sve duže liste čekanja, nedostajućih tehničkih i kadrovskih kapaciteta, Skupština HNK-a zadužuje Zavod zdravstvenog osiguranja HNK-a da omogući potpunu refundaciju troškova dijagnostika CT, MR, PCT i druge dijagnostike koje su nužne u obradi i utvrđivanju oboljenja osiguranicima iz tačke 1. ovog zaključka u slučaju kad ih ne mogu ostvariti na teret svog redovnog zdravstvenog osiguranja u roku iz tačke 1. ovog zaključka, a koje će učiniti u registriranim zdravstvenim ustanovama na području HNK.

3) Skupština HNK-a zadužuje Zavod zdravstvenog osiguranja HNK-a da u roku od 30 dana Skupštini podnese izvještaj o provedbi ovog zaključka.

4) Zaključak stupa na snagu danom donošenja, a primjenjivat će se od 01.01.2023. godine i objavit će se u Službenim novinama HNK-a.

Obavljeno je glasanje o Prijedlogu Odluke o davanju suglasnosti na Izmjene i dopune finansijskog plana Zavoda zdravstvenog osiguranja HNK za 2022. godinu ( Rebalans II ).

Većinom glasova „Za“, uz 2 glasa „Protiv“ i 4 „Suzdržana“ glasa usvojen je Prijedlog Odluke o davanju suglasnosti na Izmjene i dopune finansijskog plana Zavoda zdravstvenog osiguranja HNK za 2022. godinu ( Rebalans II ).

Obavljeno je glasanje o navedenom prijedlogu Zaključka poslanice Vesne Saradžić.

Nakon glasanja konstatovano je da je navedeni prijedlog Zaključka poslanice Vesne Saradžić jednoglasno usvojen.

Usljedila je **pauza** od 15 minuta.

#### **\*Nastavak 3. Prijedlog Zakona o Izmjenama i dopunama Zakona o policijskim službenicima HNK (skraćeni postupak)**

Obrazloženje je dao Slađan Bevanda, ministar MUP a Vlade HNK.

Otvorena je rasprava.

U raspravi su učestvovali: Zoran Mikulić, Slađan Bevanda, Arman Zalihić i Tomislav Martinović.

Usljedila je **pauza** od 15 minuta.

Nakon pauze obavljeno je glasanje o amandmanu kojeg je predložio poslanik Zoran Mikulić na Prijedlog Zakona o Izmjenama i dopunama Zakona o policijskim službenicima HNK.

Nakon glasanja konstatovano je da navedeni amandman nije dobio potrebnu većinu.

Obavljeno je glasanje o Prijedlogu Zakona o Izmjenama i dopunama Zakona o policijskim službenicima HNK.

Većinom glasova „Za“ uz 3 glasa „Protiv“, i 2 „Suzdržana“ glasa usvojen je Prijedlog Zakona o Izmjenama i dopunama Zakona o policijskim službenicima HNK (skraćeni postupak).

## **5. Nacrt Budžeta HNK za 2023. godinu**

Obrazloženje su dali Nevenko Herceg, predsjednik Vlade HNK i Adnan Faladžić ministar finansija u Vladi HNK.

Otvorena je rasprava.

U raspravi su učestvovali: Iva Raguž, Salmir Kaplan, Slavko Bilić, Harun Kurtović, Dragica Suša, Ivan Odak, Oliver Soldo, Vesna Šunić, Damir Džeba, Omer Hujdur, Tomislav Martinović, ministar Opsenica i predsjednik Vlade HNK Nevenko Herceg.

Zamjenik predsjedavajućeg Skupštine HNK Tomislav Martinović predložio je slijedeći Zaključak:

- 1) Usvaja se Nacrt Budžeta HNK-a za 2023. godinu;**
- 2) Primjedbe, prijedloge i sugestije iznesene na samoj sjednici Skupštine, kao i one koje će biti dostavljene u pisanom obliku, dostavljaju se Vladi HNK-a na daljnji postupak i razmatranje;**
- 3) Zaključak stupa na snagu danom donošenja, a bit će objavljen u Službenim novinama HNK-a.**

Obavljeno je glasanje o navedenom Zaključku.

Većinom glasova „Za“, uz 5 „Suzdržanih“ glasova, usvojen je navedeni Zaključak.

## **6. Nacrt Zakona o Izvršenju Budžeta HNK za 2023. godinu**

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi su učestvovali: Mirko Vasilj i ministar Faladžić.

Zamjenik predsjedavajućeg Skupštine HNK Tomislav Martinović predložio je slijedeći Zaključak:

- 1) Prihvata se Nacrt Zakona o Izvršenju Budžeta HNK za 2023. godinu, koji može poslužiti kao dobra osnova za izradu prijedloga zakona;**
- 2) Ovaj zaključak stupa na snagu danom donošenja, a bit će objavljen u Službenim novinama HNK-a.**

Obavljeno je glasanje o navedenom Zaključku.

Većinom glasova „Za“, uz 2 „Suzdržana“ glasa, usvojen je navedeni Zaključak.

## **7. Prijedlog Odluke o kreditnom zaduženju HNK u 2022. godini za realizaciju projekta izgradnje, obnove i opremanja bolnica u HNK**

Obrazloženje je dao Nevenko Herceg, predsjednik Vlade HNK.

Otvorena je rasprava.

U raspravi su učestvovali: Vesna Šunjić i ministar Faladžić.

Obavljeno je glasanje o Prijedlogu Odluke o kreditnom zaduženju HNK u 2022. godini za realizaciju projekta izgradnje, obnove i opremanja bolnica u HNK.

Većinom glasova „Za“, uz 4 „Suzdržana“ glasa, usvojen je Prijedlog Odluke o kreditnom zaduženju HNK u 2022. godini za realizaciju projekta izgradnje, obnove i opremanja bolnica u HNK.

**8. Izmjena Zaključka Skupštine HNK od 17.11.2022. godine**

Zamjenik predsjedavajućeg Skupštine HNK Tomislav Martinović predložio je slijedeću izmjenu Zaključka:

**Daje se ovlaštenje zamjenicima predsjedavajućeg Skupštine Hercegovačko-neretvanskog kantona da obavljaju poslove predsjedavajućeg Skupštine Hercegovačko-neretvanskog kantona.**

**Zaključak stupa na snagu danom donošenja, primjenivati će se do 01.02.2023. godine a objavit će se u „Službenim novinama Hercegovačko – neretvanskog kantona“.**

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

Sjednica je završila s radom u 17:30 sati.

**ZAMJENICI PREDSJEDAVALAJUĆEG**

Tomislav Martinović

---

Džafer Alić

---